

石  
遺  
室  
詩  
集

余作詩三十年所剩止此所詣亦止此乃分爲三卷刻之  
第一卷凡八年多閒居及遊覽之作第二卷凡十有三年  
多行旅之作有歌勞之思焉第三卷凡八年有悲傷之作  
詩與人亦俱老矣此後或三四年或五六年七八年以至  
長辭人世當更得一卷之詩爲第四卷其詩境未知何如  
然得自放於山顛水涯則幼時之流連景光覽玩物華意  
中有欲言而未能言者將如獲故物如履舊遊焉不亦旣  
全其天矣乎乙巳十一月陳衍石遺自敘於武昌寓廬

石遺室詩集卷第一

侯官陳衍

丁丑

詠史三十八首

東坡背東遷謂是鬻田宅豈知春秋義無出隨所適天子  
家天下莫敢爲主客國君死社稷五侯與九伯周惟依晉  
鄭雖弱祀八百西晉惟不遷懷愍乃被獲北宋惟不遷徽  
欽乃常尾寇準已孤注李綱直無策

子由論六國咎其不合縱凡事合則難道謀無成功弟兄  
常鬪牆百忍空彌縫割席華與管鄴下本一龍六家各要  
指孔老甯同同三晉楚燕齊安得長相從

二人誠同心其利可斷金同心之難言管鮑差知音孔子疑顏回母也疑曾參孫劉好不終耳餘讎方尋南宋遼金元唇齒日相侵

漢高逐秦鹿百折志不磨豈徒王入關帶山而礪河義帝苟不死豎子將奈何假手爲驅除項王功實多復與討賊名俾之揮天戈

入關定三章約法非關疏臯陶雖復起定當歎不如此此外本無罪苛密何爲歟冤氣積爲戾刀兵遂紛拏

劉季語呂雉安劉者惟勃不危更何安此語太突兀呂若疑而詰季語塞倉卒呂若疑而防勃也早被捧他年入北軍左袒恐顛蹶一言可喪邦季乎何疏忽異哉蘇明允贊

歎乃咄咄

辟疆黨呂雉其時年未冠爲呂圖兵柄炎火幾中斷陳平  
好奇計周勃能安漢共爭后前時自負能定亂交驩分內  
事乃煩陸生贊

漢高畏呂后本無易儲志無以謝戚姬留侯窺其意四皓  
乃贖鼎優孟有故智鬚眉皓白人何處不可致

方朔對天子太平當何如周邵爲丞相孔某爲大夫臯陶  
爲大理以契爲鴻臚益爲右扶風子路執金吾其餘百執  
司勝任快而愉吾爲轉一語張皇事補苴不如蚩蚩氓自  
擊壤歌衢

孟德挾天子未足令諸侯終爲周文王坐擁此綴旒區區

加九錫謙讓勞偃僂文若操心腹忽欲沮其謀不見漢中  
王舉動得自由欲王則真王讓再讓三不

石勒爾何知操與懿並稱仲達自狐媚孟德亦何曾無孤  
幾帝王碯落方自矜

末造多孤寡勝國獨不然世世濟其惡癸辛三百年譬如  
病狂熱至死氣殷闔積毒爲張李塗炭還顛連

昭烈謂孔明不可輔自取雖云禪不才知子莫若父然非  
中懷疑何必出此語可憐魚水情猶未洞肺腑何怪紀年  
說伊益無死所

劉表鎮荊州名流趨下風孔明故人子退耕在隆中表也  
不聞知留以資梟雄由來好名人聲價空隆隆

襄陽龐德公未嘗入城府劉表往候之壘上商出處何以遺子孫不官太自苦龐公夷然對所遺各有取安者遺罍石危者遺罪罍以表據荊州所遺頗臙臙自生犬豚兒身死遽易主不知針砭言歎息空爾許

江夏昔會葬來者數千人中有申屠蟠無人與相親南郡有一生酬對獨殷勤臨別執蟠手徵聘行及君相見於上京遇合慶風雲蟠勃然作色謂子可與言豈意徇利祿所憂在賤貧拂衣不之顧鴻鵠志不羣所以黨錮禍蟠獨全其身

丈夫志四海安事此一室古人喜大言未必皆情實史稱諸葛公爐竈見經術又言陶桓公運甓無虛日竹頭與木

府檢點及織悉又言謝太傅履屐位不失可知天下才鉅  
細事秩秩經云居家理豈以徒抱膝

文姬蹇數夫名節無可說一朝救董祀徒跣膚如雪曹瞞  
方盛會坐聽語悽咽作難見威福頓首何悲切從容顧之  
言爾父書在鑄會當遣十吏就寫備披閱文姬凜然對男  
女禮有別授受不可親自繕願所竊不知毋放飯而問無  
齒決

嵇康死非罪無異於王儀裒也攀柏號哀哀蓼莪詩紹豈  
生空桑秘書苟爾爲山公方啓事薄言亦辭之人事有消  
息濤爲警四時是其未應命恐不合時宜得濤一覽警欣  
然遂不疑利祿之所在戴天非所知雖有蕩陰死私益事



讎譏

蘇本非殛死禹興豈事讎鮑宣楊賜傳四罪放則侔宋祖  
曾感歎古網漏吞舟信書甯無書丹朱乃驩兜溫公論此  
事流弊吾所憂

山濤昔薦康康與絕交書寓意薄湯武礪落一丈夫當其  
臨刑日身命盡須臾乃顧謂其子濤在汝不孤可憐舐犢  
念志士空歎

淵明非寒峻士行之曾孫時復識要人贈答篇具存偶然  
欲弦歌彭澤檄到門有田種粳秫有廬復有園本不當折  
腰不折何足論叩門乞食去游戲爲此言

石勒有張賓苻堅有王猛賴以圖中原大志畧已逞彼蒼

奪之速降年俱不永張吳爾何物亦自助邊警可憐功名  
士百念不灰冷北胡而南越何處不引領

父爲九州伯子爲五湖長癡兒不自量慨歎寄俯仰發聲  
豈加疾已藉登高響

黑子昔得罪高允欲救之語以當首實見原庶可期黑子  
不能用被殺坐罔欺崔浩後遇禍允同蹈於危太子教之  
辯堅持不易辭劉因論此事責備無已時所謂首實者乃  
爲微倖資徒恐負黑子於義亦已私豎儒不近情苛論空  
爾爲罪如有可原鼎鑪甯如飴指導一生路同寮理亦宜  
教人以首實己身乃實違所以奮不願苟免非所知

顏氏有家訓齒弊舌則存茶然不勝衣舉止戒軒軒雖本

佩韋意矯枉非名言曹蜍與李志請君從九原

昔者唐太宗慨然論漢書浮華載何用上林及子虛大哉  
王言乎綸綍所不如晉書題御製大放瓊與琚陸機王羲  
之二傳獨何歟

太宗本好名有意愛逆耳魏徵窺見之遂以諫相市納諫  
名與君敢諫名與己外觀固面折其實乃希旨陛下拒不  
受何敢屢爾爾

中宗之昏庸罪等於昌邑廢暗廬陵去擇賢相王立誰釀  
桑條禍終賴臨淄人俾之見天日陷阱嗟何及

金輪終婦人一念欲立姪其事雖未成千古貽口實倘立  
皇太女秘謀早造膝震異竟易位事變未遠畢區區立廟

言轉圜未可必

開門節度使閉門作天子後儒論藩鎮禍自唐代始州牧漢已然封建本如此晉廢州郡兵釋柄宋稱美五胡遼金元交侵未有已吁嗟小雅廢誰復悟此旨

小雅實云何不在涕咨齋出車復六月采芑且采薇藩鎮所有事多難禦四夷變雅更變風戎狄兼荆尸漢陽姬實盡邢衛紛載馳不有桓與文左衽孔久悲王室雖凌遲守府尙在茲

涪溪中興頌未嘗有微詞何謂痛至骨山谷妄刺譏監國誰與守撫軍孰與隨本非太子事萬旗與千麾大物不趣取豪俊誰肯歸

孤寒望厓州下淚云八百丁稜姚鵠輩盧肇亦獎借頗聞  
太牢公街子邈日夕路逢劉夢得塗竄話曩昔依然盡歡  
散投贈賦卽席不信牛李黨贊皇獨嘖嘖

靖安有相公深念坐黃閣忽來杜京尹借箸籌要着大戎  
非科第怏怏常作惡若令一知舉何止得仙樂其次則亞  
相試訪此寂寞果然致感激驚喜雙淚落諒無清涼散內  
熱不可藥

點檢作天子陰謀由太宗兄終不弟及周公甯居東趙普  
與知之相喻無言中惜哉舍與夷不使就侯封一念稍顧  
戀遂以戕厥躬

垢面王介甫聲色非留情未遑遠佞人惟求放鄭聲豈知

令公怒乃有呂惠卿

中原錦繡壞東南尤宴安仲謀且畫江錢鏐亦閉關元魏  
既積弱文物甯救患金亮不北歸雅志慕湖山我讀南遷  
錄語意何悲酸悽悽金水河黯黯幽蘭軒南強與北勝大  
小難共論

戊寅

春日題仲兄治亭書齋二首

廢池春水生倒影屏山背吾兄閉門地文章假大塊登亭  
已夕陽酒面似桃醵桃紅李復縞晝炫夜不晦枇杷雖未  
金黃花散寒菜對此惜流光華年去難再

南豐宦遊地水木愛瀟灑雖無名士軒臨水緬歐冶此池

非明湖此亭非厯下鵲華在何許烏石極秀雅一篇道山  
記文字幾傳寫僻陋本在夷賴有登探者

春暮登冶亭

舍北舍南白鷺羣桃花萬片赤魚鱗釣徒何必煙波遠淺  
渚撈蝦卽富春

復題冶亭二首

孔明八百桑淵明五十畝庾邵二十七鮭菜惟有韭吾生  
眷菰蘆菰蘆亦何有不須買陂塘卽此落吾手有蒲應有  
魚有竹或有颺繞塘生青草得句夢中否先生肯窺園弟  
子當載酒醉上聽蛙亭獨立忽已久

闌干不畏勞僂僕覆其背往來屢抱甕頗有忘機態麥黃

瓜蔓水撈取萍滿載借問此何爲言餉魚倉內一擔數十  
錢亦復同賣菜

巳卯

秋日寄懷伯初家兄時兄新悼亡

聞道官齋好西軒花木幽其如有根觸泣露感牽牛

秋早視蘭生

一夕西風作意寒衾衣重疊不勝單芙蓉紅白天初曉鬼  
髓青蒼露未乾如此秋光拋可惜誰能早起與同看吳江  
動我扁舟興葉葉霜楓想正丹

九月初七日同人集塔江金山寺

面面江光碧且漣抽帆絕好納涼天此閒置我應三日獨



樹於人長百年勝地布金方丈小佳名浮玉覆杯圓衣裳  
山水清暉裏坐到忘歸憺可憐

丈亭晚望

靴紋曲曲穀紋生岸上人家竹篠晴稍喜籬籬風不滯隔  
邱人語共雞聲

大雨泊下壩

凍雨打篷聲愈繁孤篷冒雨波欲翻天色陡爲山雨昏維  
舟斷港水所吞後者屬至前者奔菰蔣寒響打水村一星  
燈火楓樹根飽飯菰米腹可捫羌無兼味充盤殮漁兄漁  
弟來叩門買魚下酒價已論榜人忽忽空酒尊須臾雨小  
如雪喧臥聽一夜流潺湲

曉發下壩

大雨不止仍傾盆榜人解纜楓樹根兩山急溜紛糜繩松  
毛落厚黃泥屯行人絕跡高下原長亭短亭列遠村十十  
五五茅之墩就中縛屋似籠樊高者卻立低者蹲旁有雜  
樹無不髡障泥作壩泥水渾長繩牽船難爲掀水牛大力  
舉軒軒騎牛齊驅如援猿涉波鞭筆如管豚踰溝頃刻聲  
騰喧浪花倒拍船頭噴

十一夜宿撫署西軒呈伯兄二首

會宿官齋獨不眠  
鼕鼕衙鼓四更天  
晤初拉雜言無緒  
醉後歛斜坐未便古驛西陵山下夢  
昨晚宿西興  
對牀東閣竹邊煙  
江城寂寞吳娘曲  
暮雨瀟瀟已可憐

真箇山公醉似泥，困呼不起紙窗西。家山有路應歸夢，行  
卷重披忘舊題。陌上怕歌花，緩緩池塘久。歇草萋萋射堂  
待得明朝出，霜葉丹楓極望迷。

吳山晚眺

木落山氣蒼，葉乾人步響。斜陽滿山徑，在地人影長。凭樓  
俯襟帶，左右瞭指掌。晴湖青濛濛，澄江白晃晃。煙開塔旋  
螺，風平帆張鯨。市廛背填咽，頗脫局促想。當年有美堂，賓  
佐此吟賞。東南第一州，休沐挹朝爽。邇來馬曹輩，手版持  
倒仰。人事有古今，登臨感吾黨。

望西興

羣山蔥鬱氣，佳哉鐘鼓西。興首重回昨日顛，風當斷渡卻

隨飛雨過江來

同人泛湖至孤山

日落山蕭條人過葉破碎登頓已百步尙未良其背疾行  
望裏湖小艇已湖內空亭弄寒碧水色獨微晦淡濃晴雨  
外更有此殊態

裏湖何吐吞裏山若迴護空谷答人語不識何以故疾徐  
與高下一一了弗誤小坐山靄沈歸鳥不返願尙過處士  
橋一拜處士墓

君詩梅花開君墓梅下展薜牆湖光上苔徑塵色鮮梅花  
殊未發思發不能遣至今石上根肯媚雨餘蘚想於月昏  
黃老子興不淺詩魂不用招香影滅沒踐小立骨已涼欲

狂情愈緬昔人評君詩籬落水邊善祇恐持問君無暇煩  
言辨

游飛來峯冷泉亭至靈隱寺

泉自幾時冷起峯從何處飛來亭中聯語

倚健不覺遠遂至靈鷲峯飛來何處泉冷亦何從冷泉  
上有亭其右名春淙兩亭合流處迴抱峯數重看峯坐空  
亭木落見冬容坦步入高寺黃葉何蓬鬆歸然羅漢堂碧  
殿響秋蛩矯想十年事劫火經熊龍象黯以寂猿鳥悲  
無悰淮海久不作客兒查行蹤長吟太白詩愁倚兩三松

上韜光同畢勛閣

抖擻衣裳最上層山樓樹杪見孤稜百泉亂響雨無數萬  
竹自涼風未曾與汝激流來掬水累人捫葛與攀藤山光

滿眼容高挹笑爾關門掃塔僧

海日江潮有舊蹤歸樵來徑問中峯羌無笠子日卓午恰  
送飯鐘風丁冬著我不多寒翠竹引人孤往兩三松山門  
小憩供茶話報道斜陽已下春

下韜光絕句

啼鳥怨殘白太傅馬蹄尋徧翠微亭祇應青士當藜杖那  
有蒼官作畫屏

冷泉亭下作

冷泉亭下路去去獨哦詩二漢寺前台孤杉道上危夜涼  
山吐月坐定水深池不信投金瀨日斜歸算遲

放舟裏湖循錦帶橋歸

衰柳枯荷盡蕭寥此帆風橋門圓岸底塔影折波中水鳥  
分途去山鐘薄暮雄歸僧赴暝色滿載亦怱怱

泛湖雜詩

一味淡粧西子容出奇著色是雷峯不須夕照添渲染已  
覺黃妃抹最濃

湖心亭是廣寒宮月湧樓臺入太空比似洞庭波萬頃君  
山也占水當中

山似論文不欲平水如文筆喜洄瀦六橋不及西泠曲自  
向蘇家筆勢成

三竺鐘聲暗暮空高峯南北漸微濛登山有約皆終日放  
溜何之尙信風

題西泠橋

橋邊蘇小墓有聯句云桃花流水杳然去油壁香車不再逢

一過西泠路泠然遇晚風桃花流水去斷句夕陽紅

江上懷冬心先生宅

人生樂志皆予求使居背山而臨流背山山色看不足面  
江江外山遭周誰與詩人謝鹿鹿瀾浪煙霏飽心目獨抱  
冬心向寂寥不見錢塘金廿六錢江書堂在何許幾稜荒  
田數區屋雲門洛思沃州山涉波舉裳就相逐微生骨相  
何清癯安排漁具與農書松江通潮田卻無小雞山下空  
樵蘇木蓮花謝水周林昨來一舸狎樵漁西湖卻過拜林  
通題詩數語亦草草寒瘦頗與先生俱

寄道安



一點鄉心忽起于爛銀月色浸階除燈花漫結雙紅豆枕  
上難裁尺素書

別來無恙剪刀池池上芙蓉怨別離想計歸期話秋雨紗  
窗寂歷上燈遲

二十四夜小飲西軒下酒物皆山味余明日將行  
矣

無多酒債欠杭州婪尾壺觴費杖頭鶉脯鷓巴風味好不  
教哺啜早風流

泛湖曲賦別西湖

晴湖不如遊雨湖雨湖不如遊月湖我來看月兼聽雨泛  
湖往往晴煙鋪今朝言把江頭櫂破冢布帆去如舞三老

長年遲不來更與湖山敘賓主橋門十二東復東瓜皮小  
艇夕陽中平波拍拍聚羣鴨何時重把竹枝弓

六言絕句一首寄別伯初家兄

幾日話殘涼雨今朝行過清溪此去樵風南北由來溝水  
東西

茶禪寺

茶禪何所有坡老三題字聊當借軍持一試茶禪味

浦東夜泊悵然有作

楚尾吳頭一水通留行不爲石尤風  
砥應張繼寒山句占斷楓橋幾樹楓

送徐大

光祿臺邊凍雨繁  
討君話別到黃昏  
布帆無恙歸湖海  
破帽何之出郭門  
船上運租催汝去  
雪天邀食幾人存  
幔亭剩有相招約  
待裏乾魚伴酒尊

庚辰

齋居春日

花枝卓午衙蜂日  
樓角輕寒社燕風  
一種遊春多少意  
下帷故紙對殘叢

爽氣朝來致有無  
捲簾坐盡碧山孤  
鳴鳩往往催人去  
故把春陰著力呼

徐大屢以書招遊武夷作詩報之

笥河先生謫仙人  
自言死爲武夷君  
馳書極道武夷樂  
先

生弟子洪稚存二公足跡半天下帝許看山兼校文奇觀  
眼底無萬數賞心乃在幔亭雲此邦山水復有幾幔亭差  
足張吾軍十年能著幾兩屐至今禽向難爲羣昨宵打門  
送急遞故人書到溪之潯爲言舊約息壤在幔亭下界招  
曾孫聚糧三月且勿爾乾魚急褻禮所云嗚呼笥河勝情  
不可作北江勝具不可聞我今才薄更躑躅後人誰替杜  
審言

武夷之游以事阻獨坐悵然

攔卻看山又上樓秋蟬聒耳不曾休形容我是詩才盡不  
敢登臨到建州

高山流水滯瑤琴如此秋光忍不禁持較十年遲宰相也

應難似此時心

辛巳

別道安

阿那登樓掩袖低  
於年愉思滿春闈  
遠山爲我壯行色  
一邏青青總望西

嬌寵清歌唱折楊  
尊前時有暗來香  
東風破費鄰家物  
千片梅花吹過牆

萬樹梨花雪不如  
春帆細雨探知無  
看山自有印須友  
傍水尋煙聽鷓鴣

將至水口山勢甚峭

一折嵩溪扼上游  
名灘高下漸鉤  
翰峰峰插水無留步旋

旋洄灣似盡頭散馱村樓依樹杪艤驂岸影壓孤舟千山  
包裹來時路更向青山裏處游

溪上作

浪花明滅裏一角見孤村晚巒煙初直歸樵雨又繁松毛  
清溜急苦竹白沙暄辛苦行滕客呼僦坐短墩

一轉巉巖石清溪特地平蒼松各成隊啼鳥不知名港直  
雙重劃舟無別箇橫今宵安穩睡非復亂灘鳴

頓有鄉心起登高抑倍難山花千點發汀月五更殘嵐氣  
衾知薄溪流帶漸寬郵籤更明發愁檢鏡中看

延平城下

劍氣銷沈處扁舟落日情梨花十里雪古木亂山晴佛閣

嵌巖壁人家枕子城今宵孤月上誰見李延平

連日灘行三首用漁洋山人十八灘韻

一灘聞然來一篙鎮其惡眾灘遂奔赴崖柴互聯絡篙工  
巧迴閃四面猶驚薄暴腮鯉登門蛻骨蛇赴壑江潭識窮  
薄性命付所託猙獸極奔駭獮鬼肆拏攫劃然磨礪過如  
以頂就鐔尋常石如拳震撼亦匪弱會當揚巨刃水底稍  
鏤鑿紛紛面排者雖險亦寬廓不知天地心剗刻此何樂  
兩山箭離弦拽怒防奔峭由來選長年僉日出閭嶠我今  
辨土音某某指臨眺豫章好身手華羽偶呼嘯楚材而晉  
用賈勇如剽姚撇漩復捎瀆其力足排冝銜枚聚羣力邪  
許嗤鼓譟就夷出舍險厥險亦殊妙鷓鴣爾何知冒雨張

皇叫

南方草木繁猥瑣乃無狀一舟墜盤渦湍渠迷背向蒙排  
出三入懸布登其上數石已黯淡拗怒况列嶂三日行諸  
灘頭地此獨讓倒戈出前途斜擊更隊仗萬鈞爭一折屢  
折勢益壯未知破冢行安穩果無恙行矣或怔忡不行復  
惆悵

題萬年沖祐宮

連山噴蒼靈過雨猶奔逐眼前幔亭峯隱約露其腹腹毛  
厚松杉數屋黃泥築鬧灘阻登眺枉道從二曲石磴幾蜿  
蜒樓觀想高臺豈知萬年宮卽此黃泥屋孫柄劍蟲白賓  
徑暗莓綠穿漏瓦如星斷壁帶類鏃吁嗟高會後金管咽



斷續三座紅雲裊二序紫霞禱張孫右鶴駕彭趙西龜錄  
五嶽許平交七真皆眷屬人間信可哀消歇到仙躡乾魚  
空壇墀金龍枉巫祝咸平天寶閒典禮徒肅肅鑑池渺紫  
房天柱盤毛竹方輿檢勝覽掩卷不能讀

止止庵

止止庵中衆妙門山南無復好曾孫死灰槁木非虛室流  
水桃花想舊村三李浪傳磨鏡地四松合著看棋墩羅浮  
雁宕千年去悽斷青林叫夜猿

晚泊二曲詠止止庵前松

最愛庵前四古松之而鱗爪老成龍箇中著箇窺人月風  
露深宵不厭濃

路入天游觀

路轉石橋山幾重山石孿确稀行蹤  
簷峯餘溜盡日雨林洞倒瓦千年松  
生魚莓苔合支榻吠犬水聲知曳笻  
我來未覽衆山小便覺出山情已慵

坦步居然俯翠微巖泉破額祗霏霏  
到門綠杉覆如幄入座紫荆花正飛  
胡麻澗上水深淺毛竹洞口雲依稀  
倚欄四面試一覽何必崇岡急振衣

登眺隱樓懷二藍先生

行行百花莊望望眺隱樓山麓漸膏腴  
松檟無與儔一徑入深松峯巒松外  
周溪曲行將盡依然碧玉流割取作條  
脫百萬價可售路梅老成陰巖桂馥而  
幽菴畫得書屋雜

花相夷猶二藍遂終古誰此置壑邱舊句在前楹對之思悠悠

水簾洞歌

水簾之水一百丈寬窄一丈而強焉綬如偃陽布忽懸迸如晉陽決汾川白如玉氣出于闕又如海水立屹然我來雨後萬道匯奔泉觀之忘返謂之連洞徹上下與中邊大風捲雲吹之偏忽而白龍蜿蜒下九天忽而一羣墮鶴之蹠躑忽而長虹俯飲於九淵忽而白猿連背之相牽頗覺盡態而極妍不知天台之石橋雁宕之龍湫黃山之天都匡廬之闢先奇觀數者誰居前行將勝覽求其全一一盡著之於篇

凝雲道院看杜鵑花

不從劉阮飯胡麻  
磊石行來一徑斜  
定有鶴林殷七七  
門前爛放杜鵑花

八曲見桃花

筍洲抽筍漸嶙峋  
筍外天桃簇簇新  
他日相思問津到  
桃花要認再來人

武夷歸次蘭生見懷之韻

春酌沈沈花壓檐  
垂垂孤柳亦陶潛  
潛雨絲隨意疏兼  
密池水多情減又添  
上冢聊租小籃筍  
典衣偶買舊牙籤  
臯橋且喜春聲寂  
探討端居任不廉

建安道上過謝坑塘時有斷句數聯情景可念足

成三首

筍輿破曉便登程過雨溪山色色清一片野雲低斷渡前  
溪早已先人行

山花著雨紅皆白野燒經春黑更青記得筍輿侵曉發詩  
情無那短長亭

霏微林雨忽沾衣細竹如毛路四圍幽澗斷杠藏隱隱野  
泉山碓見依依

丁坂看菊同蘭生友枚

接葉卑枝礙帽簷荒山秋色亦詹詹江頭一帶黃泥坂二  
客從予似子瞻

癸未

三月三日登江亭

長安何處不塵土，爽塏猶數陶然亭。地偏更饒水草趣，稍  
覺景物如江城。今朝三日天氣清，水邊風物空復情。登亭  
突兀出林杪，西山爽氣來窗櫺。陶家之土誰所化，一簣頓  
起再成英。道咸以來數十載，敦槃壇坫差零星。偶然命侶  
事遊眺，此亭密邇相逢迎。每當積雨之既晴，蘆芽短長同  
青青。小車來去似泛艇，穿葦小車疑泛艇，出林高閣疑有  
似登山亭中楹聯傳誦者。疑有  
曲汊兼迴汀。兒童三五時坐釣，生魚吠蛤飛蜻蜒。去我所  
居幾牛鳴，衝泥步履門無扃。梨花滿地已如雪，明當重來  
倒酒瓶。

法源寺看花過謝文節祠下

落盡簷前白海棠滿庭惟有雪丁香長安客話無多子記  
取昏黃月轉廊

杏花天氣晚風增欄角殘紅聚斗升春色三分盡塵土一  
分流水到何曾

同伯兄蘇龕游崇效寺觀紅杏青松圖卷徧讀諸  
題作

梵宇琳宮處處來倪迂同癖亦堪哈卷中名士多於鮑愛  
好貪多幾俊才

晤芸敏聞蘭生有蜀道之行書寄

古來詩人每入蜀少陵玉溪及放翁少陵秦州同州來五  
盤閣道天下雄玉溪晚依柳仲逞睥睨井絡天彭中渭南

半世在梁益劍門細雨窺蠶叢新城尙書稱宗工鳳翔寶  
鷄去堂堂江陵白帝來恩恩王公出蜀昔何處王生入蜀  
今何從道咸喪亂旣云已久無豺虎仍巴寶蜀中名勝幾  
興廢登高能賦非詩窮輜軒使者難僕數叉手八韻習雕  
蟲未知白華止堂後於古今體誰磨礪君今壯游遠行蹤  
我將倦飛回孤篷長安索米苦不飽歸歎踽踽悲無怱訊  
君作詩逢吾宗我謂雕刻傷天公仲宣體弱善自保登樓  
勿復嗟飄蓬題詩一路儻相憶不辭萬里來郵筒

重游天甯寺同道安

車子衝泥城西去滿路榆錢不知數游絲百尺更飄揚春  
色可知行將替我從攜家車轍邊廿四番風日月除尋春



裙幄不料理枉向長安一春住出城已見博塔湧到寺游  
蜂道先路此中風物似較晚乍有數點隨風絮好花遲客  
不肯紅十日未見萼初吐亦知更有全盛時歐碧鞋紅滿  
高樹長安塵土百不適惟有看花且須駐

黃浦登舟失足落水浮沈數十須臾卻援一篙而  
上

不道無端了此生人間失足實堪驚已拚朽骨沈淵去不  
道無端卻更生

長句一首贈林琴南

林生年少負狂名與我相逢已長大君言識我亦良早貧  
賤驕人此人那酒酣耳熱話童時折節讀書誰督課斬蛟

射虎百不憂鄉里，齷齪橫作遜臺江。駟儉本如鯽，酒惡情  
懷輒罵座。世人白眼盡，欲殺每值能。耗暗相賀我，識君才  
已二年。講院曾窺珠玉唾，駢文酷似洪北江。小言詹詹亦  
偶作，昨讀我詩袖之去。旬月不還，若奇貨，謂將肆力古文  
辭，詩非所長，休索和。

甲申

七月初二後雜詩五首

孤軍深入黃天蕩，盛事爭傳采石磯。百姓傾城避兵去，將  
軍下馬捷書飛。

致信佛狸飲江死，頗疑老鶴鑿河新。九泥旣欲封函谷，捧  
土又聞塞孟津。

將睥而睚棄犀兕婦髮相弔聚狐貍不知庾信江南賦可有招魂宋玉哀

行李安歸僅免官鬼兵到底守關難帷車新婦原如此誰遣將荷作柱看

虜騎早回香草淀王師已復解梁城蠟書欲問真消息隔斷郵程五六更

損軒招伯兄卜居陶江余有建溪之行送母來居  
臨水登山徧覽江鄉風景得七絕句

買田陽羨枉云云少小追隨長離羣自是別期間不得何曾風雨不堪聞

尚有故人招隱篇秋風蕭瑟桂花天小山賃得全家住黃

葉清江夜刺船

松徑巖扉月色微  
鹿門采藥想依稀  
明年寒食清明節  
應是全家上冢時

林外寒山遠  
火疏夜春吠  
犬閒村墟清  
流仄徑堪攜手  
儻寄山中臘月書

臥波猶有宋時橋  
果樹環溪入望遙  
溪石陸離色寒碧  
鱗魚風信正乘潮

風味江鄉問醉翁  
中厨螺蛤未應空  
攜家溪上真堪笑  
苦筍生魚雪裏紅

村居未辦板輿錢  
多種忘憂祝暮年  
愁絕離心總南望  
白雲長傍在山泉

八月十三夜宿玉屏山莊損軒出讀西谿詩別後  
有寄

吾兄故人葉夢得獨據江村建詩國招隱詩篇廣陵散君  
也急遞抑何逼兄既移家我浪游別兄溪南君溪北君家  
池館極幽緻合繼蘇談紀數則倪迂清閤苔無塵金粟玉  
山滿題墨留客論詩墜夕陽酸鹹外味今誰識月華涼夜  
浸如水復手一編置我側君詩寫定重胥鈔自恨未全洗  
柴棘此編最得溪山助賢者所能固不測樹邊潭底幾推  
敲山外渡旁善雕刻甯須定效儲太祝石湖後村正堪憶  
坐久單衣已屢添遙天直作將明色

讀書雜感十七首

善交在久敬此語要有辨相狎固非可客氣亦未善平仲  
所與遊但求戾獲免樂高崔慶輩由禮世祿鮮曰人不曰  
友禮貌敢不腆果其同方術傾蓋言不淺管鮑與劉葛霸  
王世所緬有敬而無愛世故徒雇勉

聞有柱厲叔死報苜敖公持以較豫讓薄夫敦厥躬愧彼  
不知人用意將毋同

佩弦董安于佩韋西門豹性情安可移職志聊取闡嵇康  
種合歡蠲忿未有效

草木各有種種種自相肖人爲萬物靈種類非所料有子  
喜蘇瓌無兒嗟李嶠三加喻彌尊孰不重冠醮好醜一墜  
地百藥不可療

無鹽不自羞強顏作齊后雖云助爲理自薦亦已醜齊王  
誠好賢英俊何不有不見漆室吟已詫鄰人婦

醜陋如德曜若不嫁侯光粉黛且列屋棄之守空房庶幾  
賃春人糟糠不下堂思之定爛熟其拙信善藏若以勤操  
作德行稱非常村婦把鋤犁勞苦難具詳

孔文舉有言三人相與行聰雋欺底下饑年遂遭烹譬煮  
一鸚鵡譬蒸一猩猩所以孔仲尼善惡非所評上智與下  
愚舜跖之所爭

魏文惜應瑒其才能著作李觀王深甫早死學未博所以  
古志士俯仰悲木落立言可自致立功要依託

張裕死潞塚彭蒙死老兵李白稱魏帝蟻觀一禰衡雖受

不  
三  
三  
好雄欺老瞞究好名孔璋弦上箭亦容鐵錚錚持較大耳  
兒猶覺度稍宏

醇酒禹已甘高屐晉始尚猩猩爾何爲酷嗜復幾兩風俗  
之移人異類競高曠紛紛趨時者逼肖有此狀

謝安逢莠喪音樂未嘗廢恆恐損樂趣知覺防兒輩區區  
紫羅囊元也不得佩

北朝一士夫有兒年十七頗解彈琵琶鮮卑語略悉以此  
事公卿寵愛當無匹齒冷讀書人老大弄紙筆

張蒼白如瓠解衣赦勿斬汾陽亦當法魁梧罪以滅獨有  
唐裴佶貌寢色黯黯避難假爲奴池魚漏於園同行兩士  
夫不免墜筭檻禍福信無常莫恃面堪堪



文章將入彀朱衣先點首目迷日五色以此爲藉口果其  
眼如月炯炯照戶牖豈有九烈神能不衣染柳

安定謂嫁女必須勝吾家齊大或非偶相攸願已奢鳶蘿  
偶施松玉樹閒倚葭如其勝己者不屑穠李華安能強繫  
援街玉亦可嗟豈如溫公論門第非所誇

後世有妄人矯僞稱無私死不妻同穴生不妻共帷大被  
與長枕花萼相交輝將見古虞舜馮汭觀型時二女出貳  
室傲象入居之三百首關雎請君刪此詩

人生不百年夜寢去其半所以周元公披衣坐待旦卽論  
賞心事炳燭足把玩日出可出遊日入可據案豈有無病  
人而來朽木歎

石遺室詩集卷第二

侯官陳衍

乙酉

蘇龕屬題其詩後卽效其體

幽人張玉琴遠在江水湄相思積素襟忽誦懷袖詩君詩  
我夙好矜寵負高姿發爲論詩言審音多微辭於唐知柳  
州昭代知東癡更端他說進廓如辭闕之匪嚴誰舉陶非  
隘無伯夷時人偶啖名藉藉空嗟咨未解嶠真味焉知辨  
豪釐被服必顏采周旋動謝規諒非志嚶嚶夷考行已違  
詩教本性情六義各有宜隘也匪直嚴有閒豈在微君言  
信盤深我道非駢枝跛足苟有極異同復何爲

六姊葬病不克送愴然有作

蓋棺逸山河豈待閉九原之子煎芳馨涕下紛煩寃日月  
忽不淹安土體魄敦親戚一追送步出西郭門悽悽薤露  
吟渺渺蒿里魂我病不能興我悲誰可論山邱重瞻望陳  
迹空復存

送蘇龕之天津

君自江南至江南是故鄉翻飛偏獨往人海重相望春盡  
波猶綠庭幽草自芳不知何所事棖觸斷人腸

丙戌

抵都寄家書作

江頭棖觸已迴腸見月長安重憶鄉行子先知春氣暖居

人曾共飲塵忙花枝映肉城南路細草驚心陌上香此去  
清明寒食節柳絲離緒較誰長

孟夏十日竹坡先生出視游西山詩卷遂集同人  
分韻賦詩得徧字

長安塵堞中水石不可見西山日在眼羈鞅徒眷眷吾師  
時一游一游詩一卷持筆御風行筆筆卷雲片送春三日  
雨爽氣苦未徧照人得此編坐覺涼颼扇哦詩更招邀楊  
花正入硯

竹坡先生留飲初晤伯福仲福兩公子二首

榻來纔訪兩歐陽名士軒頭一坐長洗鍊詩篇如濯錦寬  
容禮數共抽觴游絲白日沈沈靜庭草無人細細香怪底

分攜便惆悵春明明日有歸裝

次日禮  
閣放榜

語我西山景可誇秋來楓葉爛朝霞待將共昇籃輿去爲  
祝先拋蓆帽斜坐久重門愁上鑰詩成筆硯點飛花多情  
愛客如公子別後相思未有涯

晚渡獅球嶺放舟至水返腳乘月肩輿抵稻江

棲棲辭親愛念念乍悽惻已乘浮海桴入此瘴霧國戒徒  
遂踰嶺陡矗艱登陟狡夷淪陷地僅此限其闕海墉瘴癘  
重天意會殺賊放溜買輕舟石瀨下轉側地濁水氣腥山  
惡月色黑停舟水返腳沮洳不堪息帶月遂宵征去去將  
何卽命儔罕吾侶投止乏素識重增惘惘懷知有怏怏色  
平生出門遊逸興脫羈勒一爲稻梁計蹭蹬無縱翼茲邦

夙云陋云胡就偏仄三復遠遊言一輦杭猶得

自大嶽嶽行達加九岸大營三首

言從大嶽嶽策杖加九岸主人

林時甫京卿

日間戒兵衛資蔽

捍初逢野番來裸程髮披散腰閒皆佩牛攫顧目殊睥頷  
之俾馴擾亦自啟笑粲路轉竹頭角昏黑榛莽亂叢叢罷  
可隱敢以伏戎玩當關一失險枯朽盡爲難蠢爾鳥獸羣  
亦有教猱歎

崩厓臨絕澗十丈山路斷伐木仆其上兩澗遂中貫下有  
千仞潭奔流何滂泚峯峯高摩天樹樹十圍榦天日旣蔽  
虧瘴霧下浸灌想從洪荒來闢此幾昏旦土鬆不成級土  
滑步欲灘輿夫昇空輿數步息喘汗起落已萬丈問路殊

未半

日落敝營門短衣不至耐長揖未云已軍饈已羅案書生  
能健步願語一笑粲諒知得渠魁已誓不復叛黃其一鬢

鼓殼觶弗敢竄一朝殺廿人

生番名馬來詩昧者曾一日殺樟腦廠工作十九人劉撫

軍殺

厥狀殊不悍攻心乃爲上枯骨固可愧日日牛酒來

就撫歡未散書生亦何知惟有默讚歎慚非甲冑士空爾

弄柔翰

丁亥

晚春閨思

晚春寒帷臥雙扉永晝關不知花落盡但覺蝶飛閒綠苔  
閱履綦流黃掩玉顏多謝多情月有時自往還

奇蘇龕

昔人風景地容易賦離思秀蘊山川氣窮搜句語奇瓊儻  
同遠竄永柳謝新詩尙有花前意當春不自持  
騁望傷春目憂來擬著書天涯渺芳草江上足芙蓉藉慰  
登樓意聊同廡下居春風雙鬢影何以似相如

寄蘭生大湖營次

辭君東海遊離思鬢髮變君復投筆來隔歲此相見官齋  
一握手程期去如箭赤嵌山萬重瘴霧濃於澗昨來有報  
書感歎意眷眷不嗟從軍苦所嗟隔異縣君抱仲宣弱我  
懷馬卿倦如何稻梁謀無復蓬蒿戀

小小不努力長大復貧賤各有白髮親來日去如箭白雲



視蒼茫歲晏謂相見相見復何如車馬行飢驅君看梁父  
吟南陽有田廬

曉行至大稻埕

自我此羈寓經秋復歷冬海壖風雨多眺望悽無怱比來  
掩戶居樹木四童童晨興步郊原不知春已濃但覺爽氣  
多東南蔚諸峰炎島異氣候草木長蔥蘢如何青陽序始  
此緣濛濛於焉遂延伫勝賞會所逢

寄故山兄弟

赤嵌山上無杜鵑雁行不到東溟天修椽來寄似社燕漂  
搖渡海空復年罡風慘淡自北極翻鍛健翮凌雲偏嚶鳴  
出谷意良厚圖南六月且毋然離巢反哺四千里躅躅歧

平明態濃意遠挹不盡水邊一賦麗人行俗物敗意強解  
事徒以寒瘦爲神清妙高亭子何亭亭就中與余相目成  
未知明月幾時有難得夕陽無限睛古云京口兵可用古  
云京口酒可傾仲謀寄奴無覓處惟聞鐵甕寒濤聲眼前  
風景不解道青山枉向吾曹青

牛渚

依然牛渚西江夜一片青天孤月明憔悴湘潭行吟客無  
因高詠發幽情

牛渚望青山

謝公風景地六代洗繁華牛渚將軍鎮青山太守家西江  
一片月滿眼散餘霞坐覺千秋勝風流尙永嘉

石道言卷之二  
一  
遙題采石太白祠

地傍青山山便青  
雨餘石氣碧泠泠  
人生埋骨當何處  
不見樓頭舊酒星

過馬當山

太行與呂梁  
合險爲馬當  
文章果有神  
吾亦乘風歸帝鄉

過黃州

聞道東坡勝  
平平土一邱  
大江多赤壁  
名士喜黃州  
啼鳥茂林韻  
危巢棲鶻幽  
蒼茫撫陳迹  
并與逝東流

過黃鶴樓下樓前年已燬於火

茲樓亦隨黃鶴去  
寂寞有同鷓鴣洲  
齊雲落星一朝盡  
晴川芳草萬古愁  
遠帆映空來  
歷歷夕陽度  
鳥去悠悠衡湘

何日送歸雁來共江水東北流

晚眺晴川閣遂登大別謁禹廟

朝行晴川上傑閣聳晴空暮登閣上頭龜山鬱蔥龍遂造  
山絕頂禹廟高穹窿仰維隨刊年南條尤洵洵導江自岷  
山下至巫峽中龍蟒護巢穴怪彪號陰風靈寶授雲華宛  
委搜祝融此地所經行南條方朝宗後人懷明德允宜此  
築宮比年聞中原沈災嗷哀鴻不傳岳瀆經捧土告成功  
茲山跨江漢名齊魯龜蒙本名魯山俗呼龜山唐以來始以爲大別也淮渦鎖  
支祁厥形將毋同附會爲大別改流昧所從解字訓決水  
左證在安豐誰呼唐以來昭然俾發矇我今西南行江漢  
向北東鄉關東海頭一氣青濛濛由來長沙去回望何終

窮

楚江二首

人生離合楚江萍，柳絮泉邊風滿庭。  
楚雨秦雲都不管，楚天來看楚山青。

六月南風吹倒船，楚人百丈幾回牽。  
此去巴陵七十里，岳陽難似上青天。

阻風白螺山謁吳大帝廟

停舟來悵望，遺廟尙江東。  
當日東風便從君，借一篷。

東北風大作舟過岳陽樓下不得泊遂渡洞庭

岳陽對君山，節山洞庭看斗柄。節昌騷人遷客地，悲慨寄

高詠。暉陰變氣象，太清恣涵泳。  
曰余江海客，駭浪夙所輕。

茲湖信泱泱吐納百流并  
皤然九州腹空洞名所稱  
君山鳥可剗晴天片雲瑩  
自我久弭節擊汰滯吳榜  
桂舟蹇誰留玉簡書欲倩  
大聲發水上南風忽不競  
朗吟鸞鶴過張樂魚龍聽  
參差吹悠揚鼓瑟曲未竟  
江漢朝濁黃沅湘暮綠淨  
穆穆金始波葉葉木猶勁  
審音渺何許繁響奏方盛  
匏媧不可作牙曠孰與證  
陳詞向重華九疑嗟已復

秋日登定王臺

大夫怨行役白雲望孤飛  
偕偕有士子陟屺多憂思  
云胡備親藩寸草傷春暉  
偃仄古如此卑溼今何辭  
去國苦無棕駕言寫我悲  
喬木蔭曲臺修竹散方池  
及此幽賞地延佇暫忘歸  
偶尋東湖梅沈吟白石詞  
北來與南去時序悽

心脾登臨復棖觸徒然懷式微

謁賈太傅祠

秋草悽以綠我來日斜時三年亦偶留數間屋在茲愧乏  
治安才亦尠瓊琚辭三上不中雋乞食江之湄沈湘窺汨  
羅衡雲連九疑試數漢以來幾人此棲遲平生望古情恥  
作秋蟲悲悞落迷陽中故叢寨江蘼芳菲所浸淫悱惻人  
肝脾黃甘樹已無井水以爲期惓惓徒已矣振古良如斯

游嶽麓山憩嶽麓書院

昨登天心閣上頭嶽麓山色垂簾鉤榻來瀟湘碧玉流騷  
人桂楫木蘭舟寒山無限楓林好講院夾道松風秋欲落  
不落夕陽挂一重一掩期重遊

題小橋墓

何人來撰少姨碑  
湘水波瀾接二妃  
大將星沈和議去  
江流嗚咽到螺磯

降表誰修孫仲謀  
當年銅雀在擔憂  
袁家新婦中郎女  
一例傾城萬古愁

環珮歸魂月夜來  
土花凝碧望鄉臺  
脂田粉碓遺民盡  
猶禁樵蘇水一隈

夫婿雄姿居上頭  
軒裳一妹貴無儔  
有人織盡回文錦  
家客飄零尙馬周

岳陽樓月夜用杜韻

巴陵無所往  
日上岳陽樓  
山對青玉案  
水環碧玉流  
由來



湖海客必渡洞庭舟今夜兼明月臨風欲拍浮

變君學使阻風琴棋望長歌屬和次韻

檣櫟臃腫如斷檣巨川欲濟難爲艘積薪後來盡居上余  
冠屨曩何其高故人千里來急遞鹿萃彷彿相鳴號南華  
已悔讀第二僻典坐窘合狐綯匡州南望自八百二分  
月無太牢此時打門反招隱足音空谷登難逃衡陽去雁  
稻梁計江湖秋水甯敢怪揭來鎖院百十日秋風容易驚  
颺颺案頭齧齧卷束笥專司搜薦如鄉豪大李邵公善墨  
守小李洞簫謚王褒罪言慷慨有饒子時艱蒿目心怛怛  
任生弱冠奪經席議論泉涌翻洪濤不廉年少盡如此爲  
添蠟燭甯辭勞澧蘭沅芷足攀采涉江不枉杭輕舸燕八

一生大手筆漢書終日下澗醪談兵紙上瞭形勢雕蟲小  
技嗤空螯衡文據案持不律功沽辨析窮麓毫東原寂寞  
古小戴西河無人今大毛將荷作鏡恐按劍後車命載徒  
感叨兩年况復偕計吏采風未獲隨周遭苦長臣朔常不  
飽三冬日月嗟其怕往時豪氣邁湖海出門山水資遊遨  
楚騷哀怨古有作中年根觸常鬱陶先憂後樂大言耳負  
丞負余相訾警燕公近復江山助坐令倒峽傾崩濤峯巒  
橘柚倉皇過青山分外看吾曹詩成火急向索和驚駘何  
以追良駒

舟過冷飯洲

不遇禁煙節來過冷飯洲江湖滿鳧雁強半稻梁謀

仙眠洲懷李文山

言從明月池來訪水竹居仙洲徧芳草悵望空脚蹶當年  
三百篇進御授祕書卻歸耽邱壑好句滿江湖松風鶴唳  
後竹路月來初夕霏故依然水寺今則無用意文山裴杜不  
可作日暮獨愁余

多安橋弔車武子

座有車公樂桓溫信可兒與人家國事孤負剪刀池

庚寅

自九江至湖口舟中望廬山用孟韻

廬山高不極失喜一相逢坐對百餘里側看凡幾峰晴天  
開面目積雪闕人蹤直自潯陽郭相望過石鐘

江上望彭澤縣

一幅江城好畫圖江南江北古今無青山奔起來彭澤湖  
水清冷接小孤如此弦歌堪坐嘯翻然歸去不斯須南窗  
寄傲平生志未有田園可暫蕪

村居江上已近重陽卽事興懷輒用東坡霜風漸  
欲作重陽句作起三首存一

霜風漸欲作重陽入夜高樓月似霜可與言愁人有幾未  
知獨駕稅何方登高自昔懷兄弟隔歲相逢益老蒼怪汝  
長空書雁字替人咄咄兩三行

重九日席上食蚶客問始見何書記出江賦戲作

二首

江賦當年偶費才漫從爾雅疏初哉六經一例無糕字又  
恐劉郎閣筆來

屋瓦鱗鱗入饌才此閒海物亦佳哉吾鄉螺蛤知多少不

及明州日日來

今上海海味  
皆從甯波來

### 晚食

晚菘漸漸如盤大霜蟹剛剛一尺長獨有鱸魚四腮者由

來此物忌昂藏

鱸魚以長兩  
三寸者爲美

### 晚登雨花臺

雨花臺下草蕭蕭落日黃昏墜麗譙殘雪蹇驢疲犖确荒  
蕪竄雉避芻蕘廿年廢壘周遭在百戰謀攻一擲驍添與  
兵家說形勢孝陵未合駐招搖

辛卯

遊後湖

步登北極閣俯瞰元武湖模糊澤與陂厯亂荷與蒲驅馬  
至湖壩一道柳夾扶彷彿蘇公隄跨湖爲此途路轉紅板  
橋瓜疇及芋區團焦三五處草樹相枝梧似行冷飯洲在  
庭湖中雲水侶雁鳧亭榭水一方淨境歸浮屠芙蓉旣以花  
彌望青葉鋪壁閒官有示算此田田租竹葦文酌篇蒲魚  
職方圖脩然願一廛爲氓於菰蘆

過半山寺

策馬孝陵衛回憩半山寺到門霜葉紅愜我蕭散意多事  
萬言書慷慨立赤幟揭來歸定林惘惘行與睡坐看青苔

上細數林花墜渡頭赴暝色鍾阜割冷翠第一五七言散  
體已其次屋角謝公墩我名與公字今昔此蒼生願拜何  
人賜

題楞嚴菴莫愁小像

不是無愁是莫愁女兒解作石城遊湘鄉事業中山亞纔  
占荷塘一半秋

癸巳

題損軒吳門集後

解吟得雨徹宵聽判牘還來坐訟庭苦筍亦多螃蟹有只  
除少箇冷泉亭

寄題龔鬲仁布政芙蓉別島中多好石

環碧池頭水檻涼，荔枝雖好不能嘗。算來未及芙蓉島，一品曾容拜阿章。

春暮歸家與伯兄相聚者二十有五，日得讀客冬大雪與弢庵閣學疊韻諸作，春盡日既別來，滬殊不可爲懷。得詩一首，亦次弢庵韻。

潁濱彭城兩絕句，悽惻滋味童已諳。十年落落四五見，何似割捨成瞿曇。鄉山去年皚南雪，我獨憔悴行江潭。銀杯縞帶盛倡和，南冠繫者毋往參。今年航海暫歸去，劍鋌海上穿層嶼。綠榕城郭足海物，飽啖不飲顏亦醅。芙蓉環碧兩載酒，栗留爲我鳴聲舖。登盤鄉味徧螺蚌，四盞不數雉。與鶴淋漓論詩雜，聽雨尖叉疊韻搜。兩三傾筐倒篋見，佳



竹片段寶貴如圭擔詩濤詩骨涌且聳恍遇東野窮披襟

久寓滬上無俚時聊復聽戲

掉頭

江東菰蘆得君輩涓城何苦聽何懃  
往返四千里博此秉燭連宵談夜闌見跋且屢易幾日櫛  
髮行又甦風馳電捲驪駒至餞春情緒同醴醴詩人兄弟  
例遠別那覓求點南山南登高寒食黯相憶看花把酒誰  
能甘

次損軒韻

揚州司理王貽上畫了公事夜接賓過江入吳詩百首十  
句于役太湖潯後來司理官久廢大邑讞吏斯其倫君今  
奉檄讞斯邑淞濱繁會爭駢轄都廳懸知滿頌繫無暇漁  
洋爲替人車馬流水天漲塵笙簧干指歌沸唇杜郎縱工

賦豈翬鬢絲可奈非青春僕也四年此流寓寒蟬所以瘖  
不呻還山夜談覓祖約投轄此地誰陳遵君言聽訟有常  
晷尙可嚙傲餘昏晨昨攜行卷副腰腹肩輿鼎來江之濱  
卷中便是入吳集壓尾林際望春申菰蘆寂寞賴君輩脫  
衫苦筍休斷斷君看經師出大令金壇曲阜雙隣峒損軒  
治訓  
年詒有

雨後訪損軒

柳外濃陰隱晚雷連蜷雌霓撥雲開有人解讀郊居賦肯  
作徐陵帶熱來

甲午

歲朝二日損軒見過繼之以詩余已還山來滬後

始獲披讀次韻奉答

題詩人日寄江干料我還鄉興已闌頗畏故園鄰笛苦要  
溫舊被對牀寒聯綿稍罄經年語响沫聊加匝月餐如此  
家山如此客有何吟卷把君看

絕句三首送林贊虞之官昭通

不遣詞臣祭碧雞蒙恩出守一家攜君看六詔風煙句錦  
字緘題獨揜闥

彷彿臨安王夢樓此江東下我西游他年歌舞渾閑事弟  
一歸來未白頭

印本連艦費重貲輕裝山路免倭遲昨同君向市肆市石印書贈行不  
敢將他物方麴歛斜七字詩

至滬寄伯初家兄

去年春半還家去猶積囊中數首詩今歲還家無一字等  
閑度過落燈時重讐刻本防譌豕偶買殘書省借鴟移柳  
種桃都活否江村事業只如斯

愛蒼出貲代刊元詩紀事賦詩爲謝時海氛甚惡  
連夜過宿劇談

我有元人本事詩敏夫樊榭是吾師十年搜討拚全力一  
諾開雕拜重貲著述等身原畫餅戈船橫海亦圍棋南樓  
辦得涼干斛再把胡牀就月移

用損軒韻送愛蒼還夷陵首言重修四賢堂事

後生何必讓前賢恍築新亭祀浩然元祐詩人歸蜀黨夷

石渠寶笈卷之二  
陵山水泊吳船輕裝迢遞看天上戰鼓傳聞惡酒邊驕馬  
如龍車似水柳陰明日洗連錢

旬月嗜睡偶讀后山四絕句每首摘其二句續以  
二句亦得四首

昏昏嗜睡原非病續續題詩不耐閒拈出后山詩句好睡  
魔無賴去仍還

書當快意讀易盡客有可人期不來果是可人吾自往定  
無所往把書開

三兩作鄰堪共話五千插架未爲貧無鄰賞析將誰共擬  
賣殘書去買鄰

數樹直青能爾瘦一軒殘照爲誰留軒前新種數尺樹幾

時爲我生涼秋

書孫仲容古籀拾遺後寄仲容兼謝札遶之贈

孫君嗜學兼漢宋

余嘗謂小學爲漢學金石學爲宋學

爰有古籀之拾遺桐

城蕭公吾老友轉以投贈右手持湯盤孔鼎出戴記响嘖  
石鼓祗傳疑古文奇字篆所本吉金遠過碣與碑本朝此  
學邁天水畢王翁孫嚴武祁阮吳專家君手訂辨別點畫  
窮毫釐劉君跋尾撮其要一一已朗如列眉僕也開卷更  
舉似十祀廿祀知者希其勳其黃張仲盩沱沱熙熙孟姜  
區如宮作公上作在及豐作惠要作孽卷中此例難僕數  
區喜永賃猶恆辭嗟余宋學罕有得許學一二聊管窺已  
蛇亥豕匪同字渡河甲子譌晉師采孚茜菲本一例毋以

石遺室詩集卷一  
縮酒疑鳧葵大篆一省不再省若雲霧霽例可知數季相  
長學去支去如其來充髮垂省文假借易聚訟不合古籀  
奚指麾山川郡國出彝器盡補說解須他時攷工斷斷偶  
米證君作正義甯取資手民傳命通編紘相報何速來札  
迨余刻攷工記辨證與君刻札周秦諸子難句讀商周金  
識其綱維杜林張敞果同好會當載酒趨問奇

雪後遊靈谷寺

脫盡霜林石氣青梅花靈谷歎凋零北山冉冉雲依舊明  
日還登木末亭

乙未

歲朝六日自金陵歸滬上拉雜書事寄伯初家兄

並視愛蒼

昔者柴桑舊令尹兒子門生舁籃筍急裝昨日渡江來干  
載此風忽未泯石城出門例驢背馱我詩卷如東顧頗聞  
發思風雪中歇後鄭五不自哂舒王老去靳王來湖上鍾  
山方接軫一朝將相既無分騎馬騎驢要分眄中年倦遊  
畏鞍馬作健猶能止兩朝夕照來登燕子磯滿目山川涕  
欲隕南來嬾作過江鱖北顧忍問登州蜃人日題詩未可  
知寒食出遊更難準忽忽離家已二年此語定遭荒僮蹶  
呼兒且復渡江去婚嫁粗畢當遠引吾兄倘有芝芙夢作  
速買紅爲阿敏

五言一首贈晚翠



吾鄉山水秀往往鍾黃童遠者難具詳請言自咸同君家有黃鶴早慧聲隆隆自謂學山谷何人知揚雄吾宗有黃

門謂芸敏

談藝昭發矇駢文景問字造語師剜剜夢寐一左

海齋志於焉終反復思厥咎無源水淙淙警諸不識字阿  
買書何工亦有進不猛遂巡希前蹤體弱王仲宣情多張  
司空林生人中驥門前裾如蔥未冠歌鹿鳴如日之方東  
一月卅五日讀書類女功一語不驚人若撻於厥躬語我  
每達曉我謂子勿庸喪亂旣云煦風雅道已窮樸學記姓  
名駢語妃青紅許鄭與班張墜此天夢夢千載試置身不  
朽將奚從浪戰提偏師何如善謀攻

雜感十七首

流連愛景光亦自是一適念此竟偷閒躑躅陰可惜  
春風一以至小草欣微和旨蓄不御冬零落將奈何  
哦詩得好語每爲古人道安知我前身非卽此詩老  
時旣非天寶位復非拾遺所以少感事但作遊覽詩  
於彼旣有求大人焉可藐小人有別才令公喜未了  
審言誰替人番番盡黃髮晚晴雖復佳荏苒西山沒  
言和卽小人言戰卽君子伏闕動萬言蹙國日百里  
何謂公是非積勢劫而已積是固勝非積非亦勝是  
大貴常若賤大富常若貧僅有僭石儲侈然數家珍  
工於語言者於法老不貴頤指氣使人焉能爲辭費  
用兵本詭道以利誘之死

中國用兵實是如此

勝亦無所得加餉烏

可已

依然縊荒谷何不焚餘皇斲棺剖其尸看取何肺腸  
楚靈昔有言大福本不再干將苟屢試鋒鋌亦已退  
窮袴復守宮近前面發紅不聞謝夫人劉柳拜下風  
發蹤而指示原不爭功狗鼯錯發大難但欲自居守  
到底韓侂胄不如房次律房猶能車戰韓但坐籌筆  
不知幾安排得此一日坐云何不虛度計較無一可

試禮闈畢寄伯初家兄江南

又著麻衣待至公六年燈燭刹那中故人臺省垂垂盡

敏彌宸

後起文章漸漸工

謂晚翠

寒食夏畦荒豕綠江南春

暮雜花紅併將時事滄桑感憶弟空齋想復同

自利涉橋步至青溪望鍾阜

六朝煙水氣取次漸銷磨獨有青溪曲微波尙熨羅沿緣  
忘路遠凝伫傍橋多欲割鍾山色何年問薜蘿

送程生芷庭赴德國兼訊朱生聽濤

看汝長風破浪行會從普法攷交兵他年倘作居夷計先  
我乘桴有兩生

論詩一首送觀俞同年歸里

君從故鄉來忽索我詩看言逢畏廬說子詩近所罕因得  
讀君詩湖上作居半湖光與山淥著筆不肯散自言探詩  
境一葉墜浩漫岷峨在何許蜀道險不憚我從學詩來亦  
復思之爛樂天善閒適柳子工嗟歎孟郊驚且雄次山碎

名道言集卷二  
三  
何惋奇兵雙井出短劍渭南鍛老樹曲而直頽雲連復斷  
連宵快縱談歸權惜歲晏何當小旗亭畫壁賭之渙

丙申

京口訪茅子貞留宿曉起同登北固山

留賓避雨茅季偉約我晨起游金焦肩輿出城先北固高  
高石磴連山腰江山京口信第一煙霏瀾浪殊昏朝人愁  
茫茫百端集我方對此煩憂消石颿多景尙突兀甘露海  
嶽俱蕭條中興將帥競祠廟仲謀寄奴何寂寥稼軒懷古  
題詞日惟聞鐵發洶寒潮雄兵天塹足扼守何事飲馬愁  
天驕纓冠被髮誰肯救謀國乃欲西鄰招登高坐念又歎  
息凍雨不止還瀟瀟

放舟至金山江天禪寺觀東坡玉帶遂登最高處  
潤州城下過數數金山在眼從未登山形如甌塔如筍有  
樓如驕亭如簷頗疑耿耿說樓觀坡公之語未足憑茲來  
京江一留宿出遊冒雨凌晨興輿夫力疾上北固更往金  
山辭不能百錢賃船載我去江天咫尺呼可磨山門高聳  
已突兀殿閣傑構何峻嶒坡公渡江不知數每到有詩題  
上層詩中大半作何語如說玉帶腰弗勝有田陽羨不歸  
去枉誓江水瞞山僧願言明日訪招隱戴公山下來行滕  
寒食日用昌黎寒食出遊韻寄伯初家兄

皖江歸來十日病血氣駸駸異壯盛病起江村柳色青媿  
把鬢絲與相映人生那得百寒食將去其半尙何競賣文

雖飢未必死且理十年舊吟詠蓬蓬流水遠春出落落長  
松月輪正忽思太華定夜碧試上危樓一層更中條王官  
渾不辨野人愚公惟所命世閒百事落人後此事差能自  
操柄馮庵先生詩千首本色眉山與長慶晚來杜律獨細  
講更爲豫章瓣香敬豫章東野豈詩囚韓筆杜詩本幽篔  
傷多酒到蛤蜊前幾許問途迷七聖杜詩莫厭傷多酒入  
唇兄謂卽孟子傷廉  
傷惠之傷無能解者余亦謂山谷不堪持  
到蛤蜊前前字卽左傳以乘韋先之先字刻詩已議付胥  
鈔選詩何不勇剛併先生此去似飛鳥一路山光足悅性  
池陽最數牧之遊于湖想見王敦橫銜紙能無黃州感老  
淚休同柳州迸歸舟天際樹若薺餘霞澄江淨如鏡飽啖  
粗飯要隨人細和詩篇我爲政院江流寓幾詩客竟聽涪

翁斷後勁遙知近日杏花村定唱先生鹽角令

清明日次山谷過家上冢二詩韻寄仲常家兄

悠悠體貌遷冉冉義儀運鄉音日與疏吳語日與近故山  
昔朋好不死去亦盡兄弟三離居分野且異眡貧雖吾故  
物兄乃結爲親孝廉多於鮑士笑衆亦哂未知二年隔又  
白幾根鬢大兒歸娶婦不使麀文陣明歲赴槐黃功候稍  
自信買餽當分貽弟妹遶髻鬢書來望覩縷旬月厚及寸  
柳州昔遷謫寒食念先壟我今復何爲不見宰木拱四年  
三公車菽水何以奉強爲負米游乃負見星痛念温對牀  
被三度歸亦勇往來三千里頗畏海浪洶深悔去其鄉輕  
易少持重羨兄上冢歸鄉味餘祭供



戲作飲酒和陶

使 myself 身後名不如一杯酒況能飲酒者身後名多有劉伶  
頌一篇阮籍詩幾首李白與杜甫嘖嘖滿人口試問客何  
能頗能杯在手

憶昔里中遊陳王日周旋橋東有酒樓酒債動萬錢當時  
不云樂局促憎鄉關一朝星雲散各各隔山川僅免寒與  
飢塊然年復年

少小抱奢願廣廈與大裘不貴坐客滿所貴皆名流蹉跎  
遂至今栖栖猶道周不見今稷契飢溺非已憂

故人憐我貧勸我聊弦歌不爲三徑謀奈此十口何曰諾  
吾將仕躊躇又蹉跎吾美不如朝吾佞不如鮐果如朝與

鮪不仕甯輒副

昌黎稱大儒道德亦彌縫賞識徧寒峻大名日隆隆買島  
棄浮屠孟郊爲雲龍攫金任劉又家祭助盧仝高軒過李  
賀賄言及張童唐衢侯喜輩遽數不能終豈獨皇甫李奇  
正師宗工所以張文昌哭祭悲無窮

無事日苦長有事日苦短造物如人意千變猶恐緩何如  
逢酒人相對但引滿日長醉亦休事大未挂眼

阮籍號達人胸中有磊塊有如趙州土濁酒日與醉生逢  
混濁世俯仰天地隘非與身命讐黽勉對時輩母喪一嘔  
血胸鬲稍以快

昔時所與遊纍纍皆黃土去年故園去鄰笛極悽苦當其

一息存名利銳進取可憐蓋棺後寂寂與終古九泉甯有知酒到亦何補

文章勞我神酒脯以祭禱相如家四壁悒悒文君惱作賦得黃金取酒召傭保海濱有一士抱膝見懷抱豈無賣文錢提壺足傾倒誰與同襟期樛散若鄭老

旬月固塵事清坐值茲晨借問何時歟門前柳色新呼兒移柳樹趁此雨如塵雖無佳客來且沽梨花春

放言向茹真乞酒

公館歸休沐村路穿河柳我名同犀首無事合飲酒村沽非不廉水淡不可口因思君牀下對坐兩甌瓠君面不肯赤此酒爲誰守巧偷與豪奪人世幾妙手海物朝十瓶葡

菊暮百斗甯須殺賊奴金印乃繫肘長者久不來牆頭散  
鄰叟呼兒送此詩或者歲在酉

兒乞酒歸再得一絕句

柴門伫立不教關乞酒家兒遠遠還籬落幾根鴉舅樹行  
看秋色遜酡顏

答豫生

別後西湖定勝前故人寄我有吟箋中言準備陳蕃榻舊  
夢來溫十七年

爲問吳山上幾回重門留待看潮開茂陵正有秋來病偏  
欠枚乘七發才

月中桂子數聲落秋後殘荷一樣香兩夜扁舟不乘興要

聽風雨過重陽

寄雙君

秋色一以佳出遊興不淺微生坐羈鞅日夕庭柯眎念從  
湘水遊文酒足消遣中間偕計更回雁北渡沔半途落此  
邦江水吳淞剪江湖往來客可與深言鮮去年飲燕市道  
海逼烽燹乞師無秦庭致賂豈紀甌太息強上書倉卒促  
歸編近聞長安樂癡癡謂疥癬耳冷百不聞舌存在能卷  
金馬任沈冥承明恣偃仰爽氣望西山定復朝來善

重至西湖歸來寄嘯桐並視杭州諸故人

西湖別來十八年湖水黯黯碧於前垂楊老大似雙鬢不  
成一事空鬢然

湖水清不如前雙  
隄柳凋零大半

此來腳力慚登陟多半

湖面相周旋行宮完好舊未覩閣中四部差已全觀書得  
請敬啟錦恭閱乙丙丁諸編攜兒作僕兼鈔撮蒙古故事  
搜聯翩閱元代子史集百餘種將以補元詩紀事日斜眼倦刺船去自笑結習  
酸可憐東道主皆當世賢林公飯我許君眠高子楊子數  
相見衙齋都傍西城邊重陽來遊歸月圓六日儘喚瓜皮  
船高子喜談天下事往往抵掌船爲偏吳山立馬今習見  
又誰曲子謳屯田湖上已有西洋樓

茹眞送筍及菜放言報之筍自武昌來

好竹連山出武昌園官菜把遣同嘗胸中百萬全無用千  
畝渭川何可當

丁酉

村居移梅二樹開花粲然

繁花開滿樹肯共歲寒時枝有盤虬勢人添似鶴姿短廊  
看徙倚淺水照缺崙對汝情殊愧從無警策詩